



## ZA SAHRANE I UPRAVLJANJE GROBLJEM - FUNERALS AND CEMETERIES MANAGEMENT

DIREKCIJA - Mula Mustafe Bašeskije 38, Sarajevo; Info: +387 33 535 170, Fax: +387 33 535 164  
PRODAVNICA POGREBNE OPREME - Petrakijina 1, Sarajevo; Info: +387 33 551 370  
GROBLJE BARE - Jukićeva 61; Info: +387 33 551 750 - GROBLJE VLAKOVO - Vlakovo bb; Info: +387 33 761 955  
GROBLJE STADION - Patriotske lige bb; Info: +387 33 258 306 - MRTVACNICA - Jukićeva 61; Info: +387 33 664 686  
CVJEČARA BARE - Jukićeva 61; Info: +387 33 551 375 - R.J. TRANSPORT - Vlakovo bb; Info: +387 33 629 025  
BESPLATNI INFO TELEFON: 080 02 02 68; mail: kjkp\_pokop@bih.net.ba - www.pokop.ba



Broj: 0602-636-17/19  
Sarajevo: 11.03.2019.god.

Na osnovu člana 70. Zakona o javnim nabavkama („Službeni glasnik BiH“ broj 39/2014), i čl. 43 i 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatiran u Zapisniku o pregledu i ocjeni ponuda broj: 0602-636-15/19 od 04.03.2019. godine, Direktor d o n o s i

### ODLUKU

o izboru najpovoljnijeg ponuđača  
u otvorenom postupku

#### Član 1.

Ugovor za nabavku „Radovi na proširenju Aleje veterana –I Faza“, dodjeljuje se ponuđaču Špic Beton d.o.o. Zenica, sa registrovanim sjedištem u ul. Pehare 72, Zenica u vrijednosti od 168.750,00 KM bez PDV-a, kao najbolje ocijenjenom ponuđaču.

#### Član 2.

Ponuda ponuđača Konzorcij: Ado-Trans d.o.o. Visoko i Termo-beton d.o.o. Breza, se odbija u skladu sa 68. Stav 4), Tačka i) Zakona o javnim nabavkama („Službeni glasnik BiH“ br.39/14) kao neprihvatljiva za ugovorni organ.

#### Član 3.

U skladu sa članom 70. stav 6. Zakona KJKP Pokop d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

#### Član 4.

Ova Odluka stupa na snagu danom donošenja.

### Obrazloženje

KJKP Pokop d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku „Radovi na proširenju Aleje veterana –I Faza“.

Na portalu javnih nabavki objavljeno je obavještenje o nabavci broj 775-1-3-42-3-9/19 dana 08.02.2019. godine na Portalu javnih nabavki i u „Službenom glasniku BiH“ broj 11/19 od 05.02.2019. godine.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije, izvršeno je javno otvaranje ponuda dana 04.03.2019. godine u 10:30 sati u prostorijama KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku sa otvaranja ponuda u skladu sa Zakonom o javnim nabavkama („Službeni glasnik BiH“ broj 39/14).

Komisija je na javnom otvaranju konstatovala da je svoje ponude predalo 5 (pet) ponuđača i to:

GD Rad d.d. 4. Muslimanske brigade bb, Konjic, Mevludin Commerc d.o.o. Zeleni put 39, Ilidža, Špic beton d.o.o. Pehare 72, Zenica, Manjo d.o.o. Sarajevo, Ferde Hauptmana 7 i Konzorcij: Ado-Trans d.o.o. Visoko i Termo-beton d.o.o. Breza.

Komisija je prema članu 65. ZJN pristupila pregledu i ocjeni ponuda, što je konstatovano u Zapisniku o pregledu i ocjeni ponuda, koji je sastavni dio ove Odluke.

Obzirom da je tenderskom dokumentacijom predviđena e-aukcija, ista je zakazana 07.03.2019. godine u 14:35 sati i uspješno završena. Nakon dostavljanja izvještaja o toku e-Aukcije sa Portala javnih nabavki, Komisija je sačinila rang listu prihvatljivih ponuda za postupak javne nabavke „Radovi na proširenju Aleje veterana – I Faza“ kako slijedi:

R.b	NAZIV PONUĐAČA	CIJENA BEZ PDV-a
1.	Špic beton d.o.o. Pehare 72, Zenica	168.750,00KM
2.	Mevludin Commerc d.o.o. Zeleni put 39, Ilidža	169.00,00 KM
3.	GD Rad d.d. 4. Muslimanske brigade bb, Konjic	191.307,00 KM
4.	Manjo d.o.o. Sarajevo, Ferde Hauptmana 7	275.936,10 KM

U postupku donošenja ove Odluke, posebno su cjenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača Špic beton d.o.o. Pehare 72, Zenica, iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentaciji za predmetni postupak.

Shodno prijedlogu i preporuci Komisije za javne nabavke, Ugovor za nabavku „Radovi na proširenju Aleje veterana – I Faza “ u vrijednosti od 168.750,00 KM bez PDV-a, dodjeljuje se ponuđaču Špic Beton d.o.o. Zenica sa registrovanim sjedištem u ul. Pehare 72, Zenica, kao najpovoljnijem ponuđaču.

Ponuda ponuđača Konzorcija: Ado-Trans d.o.o. Visoko i Termobeton d.o.o. Breza se odbija kao neprihvatljiva za ugovorni organ jer ne ispunjava sve uslove iz tenderske dokumentacije i to iz sljedećeg razloga:

Ponuđač „Ado-Trans d.o.o. Visoko i Termo-Beton d.o.o. Breza, je bio u obavezi dostaviti Poslovne bilanse ili izvoda iz poslovnih bilansi za posljednje dvije finansijske godine (2016. i 2017. godina) ili od datuma registracije, odnosno početka poslovanja u predmetnom segmentu, zahtjevano tačkom 15. Ekonomska i finansijska sposobnost, kao i Kopiju izvještaja o svim računima pravne osobe izdatog od strane Centralne banke BiH, ne stariji od 3 (tri) mjeseca, što je ponuđač propustio dostaviti u sklopu svoje ponude.

Tačkom 16. tenderske dokumentacije zahtjevano, uspješno iskustvo u svojstvu glavnog izvođača /ugovarača u realizaciji jednog ugovora, na radovima čija je složenost ista ili slična predmetnim radovima, u prethodne 3 (tri) godine, i čija vrijednost jednake ili veće od 200.000,00 KM (bez PDV-a) i minimalno jedna potvrda o uspješnoj realizaciji ugovora sa referenc liste.

Ponuđač Konzorcij Ado-Trans d.o.o. Visoko i Termobeton d.o.o. Breza je u sklopu svoje ponude dostavio potvrdu na kojoj se nalazi više ugovora, ali nijedan od navedenih ugovora ne ispunjava uslove tražene tačkom 16. tenderske dokumentacije.

U ponudi Konzorcija: Ado-Trans d.o.o. Visoko i Termobeton d.o.o. Breza, su vršene ispravke cijena na Obrascu za cijenu ponude Aneks 3 na strani 5. ponude, pod stavkom „REKAPITULACIJA – I POVRŠINSKO UREĐENJE I SAOBRAČAJNICE, NEPREDVIĐENI RADOVI 5%, na strani 6. ponude pod stavkom „C - MONTAŽNI RADOVI“, tačka 1 je vršena ispravka jedinične cijene, takođe na strani 51., 52., 53. i 54 svoje ponude – Inventurna lista. Ponuđač je vršio ispravke datuma korektorom, ispravke nisu rađene na način da su iste vidljive i potvrđene potpisom ponuđača uz navođenje datuma ispravke, kako je to zahtjevano tačkom 19. tenderske dokumentacije i

Uputstvom za pripremu modela tenderske dokumentacije i ponuda član 18. stav 1. alineja m), „Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke“.

Na osnovu prethodno navedenih razloga Komisija tokom ponovnog pregleda konstatovala da se ponuda Ponuda ponuđača Konzorcija: Ado-Trans d.o.o. Visoko i Termobeton d.o.o. Breza se, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

**Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

  
DIREKTOR  
Goran Cerić

**Prilog:**

- Kopija zapisnika o pregledu i ocjeni ponuda

**Dostaviti:**

1. Ponuđačima x 5;
2. Nadležnoj službi;
3. a/a Preduzeća.